

Төвкнүн баялгънă Нарт делкән Советин заседань

СТОКГОЛЬМ, октябрин 28. (ТАСС). Нарт делкән төвкнүн баялгънă Советин бюрон заседань Стокгольмд болджана. Заседаньд оргч улс ёцклдур ООН-а Генеральн Ассамблейд Сирийин районд болджах баядлин туск төрәр илгäвр кехәр шиидцхадж.

Бюрон заседаньд 70 кун — бюрон чледуд болн талдан чигн орн-нутгудас туслнъ ургддж ирцхасн улс орлцджана. Гол докладиг английск нертă физик профессор Джон Берналкев. Эврәннъ докладтан, даянă аамшг ёсджăхин тускар заадж келад, зер-зевиг агслгънас гаргългъна тускар келад, „икяр тархагдшго дан“ атомн „цевр“ бомб гисн „теорий“ доран ул-тушг уга гидж заадж келв.

Средн Востокд баях баядлин тускар доклад кесн Сирийин элч Мустафа Амин, турецк-сирийск меджă деер турцин 100-гар минъгън салдсмуд цуглулгдсн баянă гидж заадж келв.

Турецк самолетс Сирийин газр деегур нислгън, Турцд зер-зевин ик складс бурдалгън, эн орн-нутгт американск офицермуд ирлгън, американск эсгъадгч флот Сирийин келгяр ирдж баялгън, Сирийиг экономическ ээрлгън — иим йовлмуд болджана, эн тоот Сирийин ёмнăс деермч дăврлгън белгдджăхиг герчлдж узулджанă. Эн тоот юнъгад иигдж болджахмб гихлă, Сирий амтнă төрт орлцл уга эврәннъ хаалгяр гоодан йовад, экономическ газдин улмă угагяр, багладск пактд орлцл уга, „Эйзенхауэрин доктриниг“ авл уга баяхяр седснă ашд болджана гидж тер заадж келв.

Заседань деер бас Италин, Индин, СССР-н, Бельгин, Судана болн Китдин Олн-амтнă Республикин элчнр босдж келцхăв. Төвкнүн баялгънă Нарт делкән Советин ахлач Ф. Жолио-Кюри заседаньд эврән ирдж чадлго, бюрон чледудт туслнъ бичг илгäдж.